



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五四八

瑞芻軒詩鈔四卷附詞稿一卷 許乃穀撰

程侍郎遺集十卷 程恩澤撰

養一齋集二十六卷首一卷 潘德輿撰

三槐書屋詩鈔四卷 金朝覲撰

廉泉詩鈔四卷 范仕義撰

雲左山房詩鈔八卷附詩餘試帖 林則徐撰

雲左山房文鈔五卷 林則徐撰

一

九三

二四七

五三一

五六九

六四七

七二九

瑞芻軒
詩鈔
詞附

同治七年
十一月開雕

坡公論詩云昌身昌詩不如昌其氣昌其氣又不
如昌其志志一則氣自隨此老自道其所得非尋
常摘章琢句者所知也余兄玉年公少耽吟詠旁
及繪事而不屑屑於制舉文字嘉慶丙子 先京
兆府君棄養兄鬱鬱不自得乃遊齊魯登泰岱歷
京國慨然有經世之志而抑塞磊落之懷皆於詩
發之故能志與氣合無所摹擬而自與太白東坡
相近中年始登一第遂官秦隴出榆關歷塞外諸
城冰天雪嶺策馬往還更得山川之助所蒞州縣

瑞芻軒詩鈔 序

爲民疏濬水利教之樹藝誦讀爲十世百世計民
咸踴躍樂從如家人父子所至皆有去後思凡所
施設一皆形諸詠歌而格律渾成氣尤蒼勁亦猶
坡老海外諸作至此始成一家也少喜作山水花
卉瓣香在檀園新羅冬華菴之間自躋岱宗躡華
頂秦松漢柏枒枒滿腹又見西域紅柳彌望戈壁
尤塞外偉觀時於高堂巨壁及尋丈牋素欣然命
筆一吐胸中之奇非復尋常畫師蹊徑蓋詩畫與
年俱進皆卓然可傳惜年僅五十未能暢其志之

所欲爲也嘗仿司空表聖詩品作畫品二十四則
流傳高句麗彼國詩人金秋坪閣學託貢使寓書
先奉常兄欲求玉年兄畫以遂其向往之忱雞林
賈人至厥肆見兄畫不惜重值購去兄賦性伉直
見義必爲嗜學愛才如不及急人之難傾囊不吝
義所不可不能阿意承順以故厯事上官國士相
待者不少而陰加机捩者亦有之今年秋姪道身
等輯兄遺集得詩若干卷詞若干闕將付手民余
因重校一過大約乙酉以前皆昔所曾見者恍如
瑞芳軒詩鈔序

松巔閣上富春館中聯牀次韻情景不勝感慨然
芟存祇十之五矣乙酉以後今始卒讀兄少作有
詩不求工寫性靈句爲當時耆宿所擊賞洎乎晚
歲造詣益深實能以志帥氣發揮心中所欲言然
僅以詩畫傳世非兄之本志也時

同治七年戊辰冬十月同懷弟乃釗謹敘於武林
橫橋老屋之讀書養性齋

署安西牧敦煌令許君傳

武林許氏號多才余得交其伯仲間而其第五爲
玉年君與余聚處於西塞最久蓋自余官蘭州以
至輾轉於喀喇沙爾烏什哈密諸鎮之地玉年適
治劇縣從軍旅馳驅往來常得相見憶前歲在哈
密時玉年自敦煌來止居談讌七八日約同遊天
山遇大風雨不得上遂握手別嗣是余入關而玉
年遽以次年春初下世念知玉年之爲治無親切
如余者會將歸喪乃次其事蹟爲傳以畀諸孤焉

瑞芳軒詩鈔序

傳

君諱乃穀字玉年浙江仁和人祖廣東理搖同知
諱鉞本生考順天府治中諱學范兩世皆由牧令
起家有惠聲兄弟八人君爲世父諱學韓後君孝
友仁恕自幼明慧好學於詩詞書畫無不嫻敏奄
有宋元人之長道光元年以文策博洽舉於鄉時
兄叔舟官臺中而弟溟生與從弟念颺官翰林每
計偕輒迴避其弟兄屢不得與會試僅考取咸
安官官學教習從事吉地工敘勞銓甘肅環縣
令八年蒞環築環江書院以教士公暇日往講授

其中又作積學堂以訓邑童子學者遠近向風有走數百里而至者縣苦寒少薪木民幾不得火食君爲禱神度地創開煤窑煤遂日出穴處之民由是皆煖復修濬水利勸課農桑又衛之以保伍濟之以興梁環乃大治比其去也士民謳思紀石焉明年權皋蘭治赤紫益振勵省會爲之肅然余時權藩篆公餘與之結翰墨緣爲題所作孤山補梅圖卽次其邁陂塘詞元韻尋權山丹近邊巖邑也君聞縣東南沙河中草頭壩泉涸地枯民困輸空

瑞芳軒詩鈔

傳

賦者數十戶心憂之躬歷邊牆外求曠土於北山紅寺湖得衍沃一區有泉四道注之可以引溉爲良田計湖以西可成熟者爲溝地五百六十九畝湖以東可成熟者爲溝地二百三十六畝力請開墾以西地分授壩上士民按其受地之多寡以就舊賦之數以東地百畝與馬厰卒伍使習屯種其餘令壩民任種以供仙隄書院膏火人皆稱便又明年權撫彝通判開昔喇舊渠以殺黑河之患引流墾荒得膏壤千頃不日而大利以興遂建講堂

設義學以新熟之地歲入租四百石充經費養士甚衆張掖山丹各邑皆來就業前通判倉粟朽腐甚鉅其人驚恐無所措君爲請於上官設法補弭之而禍立解人尤服其厚於寮友也是年秋從提督固原楊侯赴花門軍營戎馬籌邊蹀躞萬里會事定而還十一年冬調任敦煌其縣近古三危山地廣博而土瘠貧君爲興學養士如在他邑時遇小旱祈雨捕蝨又通渠南山歲以有秋又開長春堡煤鋒以便民黨河水漲行者病涉君爲築柳橋

瑞芳軒詩鈔

傳

而記其事余爲之書君所治皆未久獨治敦煌三年尤得人心十四年大計卓異其冬署安西直隸州牧以州境不事樹藝勸民種樹定以賞罰請開馬連井金厰試採補課周稽荒地數萬頃定開渠召佃之法事垂成而心力殫瘁遽疾旬日遽卒訃至敦煌士民巷哭爲請建祠祀之君歿於道光十五年正月初八日年僅五十有一元配呂氏繼室再以徐氏男子五人振身道身視身庚身樾身孫一人之珍女子二人長字徐敦元孫女一人

論曰世之受百里之寄者往往沿襲文具彌縫過失以爲盡職積歲時無補於百姓所在皆是也許君視民事如家事其爲民謀水火生活皆切於日用而其興一利除一病每不過數月人咸驚其神速亦知其精誠所注措百倍他人乎嗚呼詩云豈弟君子民之父母如君者始可當之而無愧矣盛京禮部侍郎兼管奉天府府尹管理威遠堡六處邊口事務年愚弟長白薩迎阿撰并書

瑞方軒詩鈔

傳

四

筆端雲氣斗牛邊曾傍泥金嶽頂眠夜爽松明催畫壁舊遊回首十年前紅袖爭知小宋名田盤策馬憶孤征杏花一色春如海期爾金鼇頂上行

巢居閣畔數歸鴉問訊咸平處士家閒話孤山明月夜一樽吹笛醉梅花

埋香小塚隔春流寒食家家載酒遊我乞君詩還乞畫夕陽花影小紅樓

乙酉春日頤道居士文述書於吳門清華池

瑞方軒詩鈔

題詞

十

館

氣秀骨華情豪思遠正三唐之律潤六朝之腴語皆重而句亦奇迹不襲而神自合吾不知其詣之所屆也

乙酉四月十三日姻愚弟左輔拜讀

伏讀大著縱橫捭闔揮斥如意其馳騁處真如周盤龍匹馬縈繞於萬衆之中所向無敵及其緣情綺靡又復迴腸蕩氣使人意消展卷未終已覺瞋眩顛蹕驚猶鬼神賢者之不可測固如是耶惜乎

其未窺全豹也

道光乙酉立夏後三日簡松弟張雲璈讀畢

記此

小倉山房初識面看畫生綃白團扇迅掃環驚風
雨馳分酬各訝煙雲變良辰勝境可無圖君從別
後猶追摹名園坳隆入巨嶺經邱尋壑森盤紆畫
禪詞客同豪邁當時消受香花界天女論心證夙
緣書生低首成膜拜蛾眉畢竟識鳶肩果然快著
長安鞭才人一第那快意泥金豔向紅樓傳風前

瑞芎軒詩鈔

題詞

更憶揚州夢湖上迎郎花裏送措大能邀青眼看
歡場不以黃金重密約曾聞貴後償舞衣早擬疊
空箱輭紅道上春如海一院梨花空自芳虹橋歌
舫闌干亞玉人辜負吹簫夜曾記羅巾珍重題翻
輸良袂尋常嫁歸去時時唱懊儂客身依舊一壺
中劇憐雪逕鴻泥杳重過風簾燕壘空吾儕一別
拚如雨忽向平江盪柔艫二分明月未同圓一片
閒雲猶可聚扁舟同訪苳蘿邨輕叩枇杷花裏門
聽來溝水東西語搵袖回頭見淚痕英雄自具風

率句賡字無闕其爲大才榮榮歎服歎服余與

許氏昆仲交舊矣顧獨未識玉年但深神契乙酉
初冬薄游滬濱於哲兄仲客官舍一見如故出此
編見示快讀一過識數語歸之時浴佛後三日丁
履起記

奇才恣肆深情往復足以開拓千古推倒一世

乙酉長至後二日少海弟汪仲洋用紅筆讀
過

長林卷葉飛霜晴金天萬里方行兵書生橐筆恥

瑞芎軒詩鈔

題詞

無用僵坐靜聽宵鐘鳴燭光一點影階藥獨吟苦
答秋蛩聲故人近客五雲表咫尺未得尋前盟亟
開詩卷代良覲讀未過半神先傾君才突兀絕依
傍雄壓大海堅長城雲峯卓立天骨健月湖淨洗
仙心清尋常游覽悉經濟懷抱一一關蒼生
案部東南行令弟黔嶺懸冰衡公餘各自寫習賦
文學政事交崢嶸第五才名足鼎立如以玉佩諧
經談霜蹄暫蹶未爲失轉眼春風同蓬瀛天生奇
材必有用得喪恥與雞蟲爭側聞相公頗愛士折

節往往先羣卿如君大筆本天授薦贖會見登延
英嗟余十載滯人海襍被逐隊趨承明眼中落落
幾知已覓句安得聯孤檠不時西遑寢戈甲捷書
一騎馳神京看君濡毫代制草第入雅頌揚昇平

丙戌重九後一日叔雨弟丁泰拜呈稿

摘豔熏香絕世才萬花叢裏起風雷月明人靜琴
絃細一片潮聲萬馬來

鍊就精金繞指柔一枝詞筆最風流知君自抱神
仙骨合向蓬萊頂上游

瑞芳軒詩鈔

題詞

五

乙酉嘉平下浣佩珊歸懋儀拜題

乾嘉諸老不可見靈光一殿曾南豐

謂賓谷先生

許君

第五太岳後筆如天馬聲行空目無餘子可指數
力將前輩爭豪雄爾我生長俱江東抱負際遇或
異同兩家何所占西湖與大江兩身何所棲孤山
與雙峯兩心何所景逋仙與焦公聲名兩相讓義
氣兩相降子畫上追黃子久我畫亦法白石翁我
飲君不飲神穆如清風我癡君更癡心結如寒松
我室家累重君兒女情濃一第莫就同泣嘆一官

未得同飄蓬而我輸君好詞句暈碧兮裁紅而我
輸君好家學裴冶兮箕弓而我輸君好夫婦蘭儀
兮蕙容而我輸君好兄弟薛鳳兮荀龍有才如此
未見用復能浩浩落落不教抑塞填心胃太白酒
樓詩一首氣騰騰兮光熊熊懸之天上即明月散
之海外成長虹餘詩忽奇忽平亦淡亦濃引人步
步入勝境錦城繡谷花萬重感君心許作驂靳牛
鐸焉敢希黃鐘精鈔廿首秘篋衍他時歸去藏向
君家句曲洞天第八之仙宮

瑞芳軒詩鈔

題詞

六

戊子早春茶農弟張深初稿

騎鯨人去冷詩壇永叔廬山繼響難不料君才碎

黃鶴天風仙骨獨珊珊

施宋朱王筆有神兩富近代亦無倫而今低首許
丁卯又瘦東陽姓沈人

年愚弟林從炯草

伏讀大集七古抗手裕之五古灑灑超凡近詩亦
渭南之亞惟緣情綺語似可不作紅牙拍板兒女
喁喁自當讓淮海一輩人耳

道光辛卯二月十八日後學楊承註謹記於
疏勒行邸

道光辛卯二月廿六日病中重讀一過偶志
一二拙見於卷眉以徵萬里相知之誼耳非
敢言詩也其所不知蓋闕如也他日東歸重
展是冊迴憶病榻藥鑪鐙熒如豆時當更有
黯然而不能自釋者已註又記

壬辰仲春

玉年五兄出示大集畱案頭月餘每讀一過如歷

瑞芳軒詩鈔

題詞

七

名山如遊寶藏如金庭萬仞莫克狀其巍峩如玉
海千尋未易窺其涯涘謹錄古風近體三十餘首
當什襲藏之奉爲楷模

筠塘氏朱煥謹識

衙齋漏下欲三鼓斐几香清燭花吐珍珠密字从
頭繙未入堂階望門戶豪才猛氣勢莫當大戟長
槍互連拄犀弩交發鐵騎馳想見羌兵避虞詡忽
然情柔筆亦柔兒女喁喁綠窗語杏花有季爭嬌
嬌蓮子相憐齊媚嫵有時頻仰天地隘慷慨悲歌

情激楚有時名士眞風流蘊藉衣綰揮玉塵快如
風檣曠千里靜如游絲裊一縷麗如綺檻酣春華
颯如疏寮灑秋雨古來作者紛於麻濃淡平奇各
伍伍試選大筆分幾派咄哉竟目一手持之一氣
舉令我咋舌戛愕眙不覺神沁色先沮小家不忖
欲規仿入穴其如戴簑數不然強力憂絕續不然
厯齒效微嚙恩恩奚能盡厯畧五都毋乃迷海估
君乎君乎何時照我大罨光从此且覓津梁闢靈
府

瑞芳軒詩鈔

題詞

八

陽湖黃敞呈草

一卷新詩似水清齒牙冰雪吐聰明翩翩才調無
雙譽鼎鼎家聲第五名湖畔梅花寒後種池邊春
草夢中生仙心仙骨如君少定向蓬萊頂上行

菊存周仲舉題

君家西湖官西疆載江海才來敦煌橋通水利黨
河治月牙泉上鳴琴張行篋十年詩一卷中厯燕
趙兼齊梁至情寫出幼婦語雄渾直如初中唐風
雨爭飛魚龍變筆端盛氣成文章孤山梅花天山

雪先後得之同清絕萬里花門戎馬遊籌軍不改
書生轍二南行化始關雎采卷傾筐賦離別白描
畫手圖詩心此祕可爲智者說

湘林薩迎阿草

其清在骨其遠在韻其動在氣其靜在神道光六
年嘉平之望同客都下讀竟因識繼輅呵凍
時有坐客三人陳伯游吳梅梁稭崔云稍有獻替
綴於行間繼輅又記

深於情者蘊藉矣而易失之弱雄於氣者奔放矣

瑞芻軒詩鈔

題詞

九

而易失之粗玉年之詩含情繇邈奇楚家邁一如
其爲人蓋蘊藉而不弱奔放而不粗者與丙戌之
秋畱案頭一月時殘暑將退微涼乍生毋讀一過
覺清風頓生兩腋閒飄飄乎有凌雲之思也

戚人鏡拜識

八聲甘州

得許玉年敦煌來書并示近詩賦此寄答

張應昌

正悽然萬綠漲西冷春歸餞花天又迢迢吹下千
山雁使一紙魚牋相憶銀鈎珠字撲手好詩篇如

話西窗夜細雨鐙前

橫槊鳴絃意緒說玉關雪

踏蔥嶺烽傳

書中述從軍時最夥睇凌霄鶴羽那得伴鷗

邊待招來故山花下

怕舊香疎樹已堪憐詩有招鶴篇書

中問訊西溪孤山花事

天涯望渺雙峯外芳草寒煙

又

玉年歿於敦煌傷懷感賦次前調

憶去年今日雁飛來書傳玉門關說賦詩橫槊天

瑞芻軒詩鈔

題詞

十

山點筆雪嶺騰鞍報道歸期近也夢繞舊家山腸
斷遼東鶴怨羽飛還記得鷗盟鷺約指兩峯南
北結屋三間邈黃壚前度一誤是彈冠恨茫茫楓
青塞黑拂龍鍾雙袖淚難乾傷心處補梅亭下花
也闌珊

題許玉年瑞芻軒詩遺集四十韻

君家兄弟盛才名不可當令聞重海內豈惟冠錢
唐玉昆金友七與我論雁行齒尊者先進我幼難
頡頏爵尊者位高我賤殊低昂蛩駉惟爾我徵逐

形相忘君性醇趙體君才富曹倉三絕詩書畫架
筆瑤琨牀金臺錦韉游玉湖明月光佳士四座客
高談萬丈芒愧我如小巫投地拜子將配三筆六
詩君行次居青士太常君行次居青士太宜金門玉堂仰屋奈塵甑製
錦煩雲裳投筆萬里去玉關旌旆揚名宦才子作
經術吏治良昔爲苦寒地今爲安樂鄉鑿山瑞炭
出浚井甘泉嘗園扉靜雀鼠封境毆豺狼知時降
珠雨利涉成鐵梁綠桑補幽土紅柳栽召棠皆宰
事瑞芳軒詩鈔乘槎星宿海立馬崑崙岡謳頌溢方渠聲教流

惠詞

王

敦煌惜未竟其用嶠箕返天閭循吏生樂只明神
死馨香至今安西路赫濯崇城隍君歿後傳聞惟
我別如雨悽惻徒西望兩傳遠鴻書再賦甘州章
余答書及輓章有舊歡不可續伯見蘇隄楊鶴去
入聲甘州詞二首道光初偕君與同人孤山林
巢居閣零落梅花塘祠補梅葦墓越十年君書來
詞及已買山不得隱空憶亭清涼君嘗指理安清
荒廢矣買山不得隱空憶亭清涼君嘗指理安清
爲他日歸隱處言念草堂詩遺集緘青箱廿載鬱
光氣譬如錐處囊歲月易淹忽英華懼銷亡今日
一編捧照眼紛琳琅晻懷雷陳誼慨歎如涸腸悲

瑞芳軒詩鈔

惠詞

王

來百端集生死兩別長君墓木已拱顧我鬢亦霜
願速付黎棗願裝貽縹緗快向夜鐙讀分儲名山
藏不朽傳盛業藝林畱清芳

咸豐戊午張應昌仲甫

余素嗜孤山梅花每於寒葩展豔瘦萼浮香必登
巢居閣以恣幽賞嘗謁許玉年先生栗主心竊仰
止私擬身後願得效此惟恐薄福耳自遭亂後不
復知孤山興廢乙丑冬由江北赴吳間閣與墓址
均已重建益忻慕焉丁卯秋研香王孝廉出先生
大稿示讀覺古香滿握與梅俱清洵曠代逸才感
念昔游不禁振觸爰拈此解冀附卷末以盟夙抱
太岳風流橫河門巷平章花月年年踴宕豪情新
聲譜入冰絃清游尙憶巢居閣折寒梅曾謁詞仙

瑞芳軒詩鈔

惠甫

三

羨幽閒除了林逋誰與齊肩 飄零久隔孤山夢
忽披吟珠玉鄉思纏綿客有知音天涯珍重金莖
才名自昔傳人海歷滄桑趙壁仍還算因緣翠墨
銀毫寫遍蠻箋

陽寄高

仁和女史湘濤沈允慎拜題

瑞芳軒詩鈔卷一

仁和許乃穀

己卯

櫻桃花和章次白韻

雲裝雪綴早春天消受春寒劇可憐遲日夢回樊
素怯輕風歌送鄭僮顛幾番泥我探梅後眞箇銷
魂結子前紫燕未來鶯未啄折花人立畫簾邊

汪小迂

鴻

屬爲石寫照行篋中攜有英石一

峯并圖以贈之

瑞芳軒詩鈔

卷一

十

一拳石鑱奇骨千百年孕幽窟汪子小迂米顛癖
出之泥沙登几席色黑形醜如木癭旁人笑倒君
不省寶之不啻連城珍客欲豪奪意先窘我有一
石來自南海濱高不盈尺峯嶸嶒扁舟一葉路千
里形影日夕惟爾親小迂善畫得禪理雲煙過眼
百番紙夜光且與瓦礫同獨見此君顏色喜吁嗟
乎人生遭際會有時未逢青眼莫歎嗟持以贈君
歌以詩皺以丹墨增離奇我幸此石得知己兩石
竝傳不朽矣

題顧西樸洛圖奚鐵生徵君遺照

人生萬事皆雲煙雲煙在紙身則仙老鐵老死數十載畫史無傳但人海憶我垂髫識面時墨戲從君索知解一朝零落歸山邱尺幅空餘遺蹟在君詩矯矯殊等倫君書奕奕尤有神君畫虛和蘊蒼勁一筆不受人間塵豈真才爲造物忌奇窮輒塞潛悲辛黥婁有婦不同老伯道無兒了此身身前蹇遇已如此身後虛名復誰恃那知肝膽照人心此老精神終不死多情舊友顧長康妙手傳神獨琦方軒詩鈔 宋一

巢雲招遊西山

靈山一別又三年絕頂重登我獨先萬朵夫容青拔地千章喬木綠沈天行雲止水非無意爪雪蹄潯亦有緣北去更教臨日觀可能連袂共羣仙

閏四月朔汪月樵招遊平山堂看芍藥同月

樵韻

瑞芍軒詩鈔

紅橋曲折護雕闌尺五樓邊錦繡團閨夏不教花放早好春畱待我來看莫嫌異地知心少只覺高歌繼曲難遙望豐臺香作幕遲君沈醉解金鞍

東阿道中遇雨

輪囷犖磳兩厓中滄海龍來挾雨風西北雷轟天潑墨東南雲起日韜紅山泉陡覺千重至塵土居然一洗空惆悵故人歸去也停車數語太恩恩

陳仲恬南還

趙北口題壁同芸皋韻

瑞芍軒詩鈔 卷一

千頃湖光百頃田南來客子此停鞭萬株垂柳涼於水十里長隄綠到天沙淨雲開盤馬地雨絲風片釣魚船故鄉景物渾相似一夕教人別夢牽

將出都門畱別三兄六弟

秦火一空書萬卷仲春九日余家不戒於火藏書盡燬燕山直上路三千從今不食人間字吸露餐霞倘得仙

涿州道中寄懷三兄六弟

容易春明形影分敝車羸馬笑劉蕢傷心獨客緣何事鍛羽征鴻況失羣遠樹白沈千嶺雪斜陽紅

入萬重雲炊煙起處人投宿有酒難教一夕醺

長清夜發

殘雪在地霜滿天蟾月慘淡凝疏煙雄雞再唱風
砭骨驅車直上青山巔兩厓壁立幾百尺中有一
道蟻磨旋礫礫小石攢我後礧礧大石蹲我前三
馬欲上一羸蹶中輒甫正雙輪偏千鈞一落百丈
坑驚視仍在蒼崖邊或軒或簸或傾側此時身若
懸旌懸漸由逼迤見空闊澗澗磧磧堅冰連有時
汙泥膠馬蹶蹶忽復盈輜駟嗟哉丈夫懷安最
瑞方軒詩鈔 卷一 四

可恥辛苦只此奚煩煎會須踏遍五嶽九州歸買

負郭田三竿日上猶酣眠

望岱

上界雲煙撥不開下方夕照破蒼苔遙知青帝居
高處坐看滄溟捧日來

仲冬十一日雪後登泰山絕頂放歌

泰山高高四千丈拔地矗立青冥上狂來直欲捫
青冥安得丹梯送吾往天風卷地浮雲開碧霞幻
出金銀臺雪花皚皚塞巖谷長嘯亂踏瓊瑤來紅

門以上忽奇絕峯巒黝黝赫鎔寒鐵氤氲膚寸瀾山
頭瞥眼雲中一峯凸秦松漢柏枝交橫奔湍飛瀑
聲相迎聳身入雲失雲影煙耶霧耶空中行摩厓
擘窠隱復見模糊金碧焚王殿同遊三子何處來
徐西疇戴晉齋金子克咫尺聞聲不相見掣鎖直躡南天門
石磴陡絕驚人魂墮墮紅日破空至一洗縫浮開
乾坤下視塵寰在何許千山萬山一齊俛白雲如
海足下生一色茫茫倒天宇洪厓天半來拍肩招
呼更上日觀巔一杯明滅滄海水九點隱約齊州

瑞方軒詩鈔 卷一 五

煙嬴秦烈燄焚書史豐碑屹立都無字七十二代

金泥封滅沒不知何處是吾儕游戲人世間姓名
豈必畱塵寰舉頭天外發奇想御風而去何須還

暮宿東嶽廟

廟在大觀峯唐元宗紀泰山銘側

極目更無見蒼茫失翠微雲將挾山走風欲攫人
飛寒月石間出晚樵天外歸醉呼筆奴起粉壁寫

崔巍

道人以火炙硯乞余畫壁

塵世茫茫感今宵得暫休十州同一夢百歲此浮
漚噓氣吞江海騰身出斗牛摩厓碑畔宿心與白

雲游

五鼓登天柱峯

朔風攬月月不圓寒氣逼火火不然披裘踏雪上天柱要看靈曜涌出搏桑巔籃輿橫行如郭索高下勢與山周旋放眼萬里但一白混沌未鑿太古前不知是雲是雪是海水滂沱一氣直接蒼蒼天素娥忽輶影青女俄蹁躑雨師鍊水液風伯馳雲輶但教靈若走巨浸肯放鳥足凌朝煙今年河伯太馳騁濁流潰決難遽填尾閭雖暢上游塞安得

瑞芳軒詩鈔

卷一

木

野店

禿盡官隄柳驅車日又西到門呼餅餌入室雜沙泥客馬庭中秣家雞屋上棲夜闌一尊酒臥夢過

前谿

庚辰

家季青招同胡城東徐竹溪吳子喬泛舟湖

上看芍藥以同游之字分韻拈得竹溪

一雨逗梅信連宵勢未已曉起捲簾櫳紅日照窗几扁舟出郭門衆木綠如雙槳劃空碧坐我明鏡裏遙山笑迎客沿流一篙艤臺樹參差圍萬花何綺靡赤霞裹其身彤雲削成礪好風一以拂濃香入肌髓我家西湖濱三月豔紈綺花花補山空

瑞芳軒詩鈔

卷一

七

飛不到塵滓惜少婪尾春首夏鬪紅紫流連楚豔

旁斜陽墮厓渌日落羣鳥歸朱霞罩林綠照耀一湖中十萬金蛇伏櫓袞拍涼波聲聲答風竹暮色俄蒼然漸覺暗遐矚瞥眼紅成海千舩耀鐙燭新月破空來俯視手可掬人影與衣香仵眙睠吾目笙歌遞啾嘈不辨絲竹肉金錢浪拋擲繁華昔成俗不見陳畱郡魚龍上人屋皖國乃下游何地播嘉穀人生不如鳥猶得一枝宿天心本仁愛體此在當局吾輩且

猖狂酒食偶徵逐痛飲而酣歌不許更漏促

客公路浦喜得六弟臚唱及第信卻寄兼呈

三兄

誰是白眉者君今領衆仙聯牀思日下走馬想風
前江海羈吾足薏萊拍爾肩三兄於已入翰林瑞雲徵五
色努力繼先賢韓魏公臚傳第二宋史以五色雲瑞歸之

江行見新月

彎彎月子畫纖眉不照蘭閨照水湄記否前宵庭
院立含顰愁說別離時

瑞芳軒詩鈔

卷一

入

金雨薌楊芸士讌余隨園卽席呈同集諸子

六朝山枕大江流我欲乘槎問斗牛偶逐閒雲來
白下便邀舊雨暢清遊百年雅集客吾輩一代詞

宗在上頭惆悵故人飛鳥遠絕無機事水邊鷗袁蘭

村時宰洛陽

秦淮女兒曲書車秋船畫舫錄後秋船自號捧花樓主

秦淮女兒膚如玉臙脂水浣青溪曲千船鐙燄燭

天紅一夜江流到門綠生小歌喉一串珠玉釵敲

竹嘯鷺雛水晶簾裏金箏奏翡翠幃前冰簟鋪曉

妝人對菱花鏡檻外波光白相映宵來恰趁好風
涼銀蟾照澈雙蟬鬢蟬鬢香溫抹麗花白袍紅袖
醉流霞閣前已繫青簾舫門外還停油碧車南朝
金粉都陳迹吳妖越豔誰傳說風月平章自有人
管領羣芳仗詞客捧花樓主今崔涯一經品題聲
價加人世真才問誰是憐才敢不先憐花我來桃
葉桃根渡朝朝醉踏城南路七尺今猶櫓散材何
如手種相思樹

六月十三日游攝山登最高峯放歌

瑞芳軒詩鈔

卷一

九

客游白門苦炎燠掉頭東下尋幽谷昨夜帆停燕
子磯今晨船傍棲霞麓盛夏人畏驕陽驕不敢曳
杖凌巉曉一風吹雲日韜影嶺頭千佛先見招殿
前銀杏屹相向兩株壽在南齊上老僧畱我西桂
軒跣足科頭聊放曠珍珠泉水甘且涼一飲七椀
清詩腸蟬鳴森木境太古便欲拾級升高岡齒翠
嫣紅徧巖壑不知底是長生藥蒼官十萬扶我行
飄然不插塵中腳最高峯頂天風涼吹上雲梯坐
蓬閣昨冬踏雪登岱巔呼吸氣通帝座前天柱峩